

Bosna i Hercegovina
Federacija Bosne i Hercegovine
Tuzlanski kanton
GRAD GRAČANICA
GRADONAČELNIK

Broj: 02-20- 02646 -1/2024

Datum: 01.07.2024.godine

U sklopu projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ Grada Gračanica u 2024.godini, na osnovu Sporazuma o saradnji, broj: 02-11-00847-2024 od 27.02.2024.godine o prihvatanju saradnje sa NVO Muslim Aid Association, kojim su osigurana donatorska sredstva od strane NVO Muslim Aid Association 40 %, Grad Gračanica 40 % i vlastitog učešća korisnika 20 %, u cilju razvoja plasteničke proizvodnje na području Grada Gračanica, na osnovu Pravilnika o utvrđivanju uslova, kriterija i postupaka za ostvarivanje prava za dodjelu platenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“- Grada Gračanica u 2024.godini, broj: 02-20-02646-2024 od 01-07. 2024.godine i na osnovu člana 36.Statuta Grada Gračanica, Gradonačelnik Grada Gračanica raspisuje:

JAVNI POZIV

**za predaju zahtjeva za dodjelu platenika od 100 m² sa dodatnom opremom,
putem sufinansiranja u projektu „Ekonomsko osnaživanje socijalno i materijalno ugroženih
osoba i mladih osoba kroz proizvodnju povrća u plastenicima“ Grada Gračanica u
2024.godini**

I PRAVO UČEŠĆA

Pravo na dodjelu platenika u ovom Projektu imaju socijalno i materijalno ugrožene osobe i mlade osobe u dobi od 18 do 35 godina sa područja Grada Gračanica, pod uslovom da posjeduju vlastito poljoprivredno zemljište ili je zemljište u vlasništvu članova uže porodice po uzlaznoj liniji (majka, otac, djed i dr.), kao i zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini stambenog objekta u kojem stanuju (parcela za postavku platenika ne može biti udaljena više od 1,0 km od mjesta stanovanja, u suprotnom takvi kandidati se neće uzeti u razmatranje).

Pravo na dodjelu platenika u ovom Projektu nemaju lica koja su ostvarila pravo na donaciju, dodjelu ili sufinansiranje nabavke platenika, od Grada Gračanica, nadležnih ministarstava, humanitarnih i drugih organizacija u posljednjih 6(šest) godina, kao ni lica koja ne pripadaju kategorijama navedenim u prethodnom stavu.

Pravo na dodjelu platenika u ovom Projektu nemaju članovi uže porodice zaposlenika Muslim Aid Association i Grada Gračanica.

Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Grada Gračanica i Muslim Aid Association.

II USLOVI ZA DODJELU PLASTENIKA

Podnositelj prijave treba da ispunjava sljedeće opće i posebne uslove:

A) OPĆI USLOVI:

1. da je nezaposlena osoba ili osoba sa minimalnim primanjima prema kriterijumima iz člana 5. Pravilnika o utvrđivanju uslova, kriterija i postupaka za ostvarivanje prava za dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicama“- Grada Gračanica u 2024.godini ili mlada osoba u dobi od 18 do 35 godina, sa prebivalištem na području Grada Gračanica,
2. da je nosilac ili član poljoprivrednog gazdinstva upisanog Registar poljoprivrednih gazdinstava i Registar klijenata u Gradu Gračanica (RPG i RK). Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 (trideset) dana od dobijanja pisane obavijesti o dodjeli plastenika,
3. da je podnositelj prijave ili član njegove uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje (parcela za postavku plastenika ne može biti udaljena više od 1,0 km od mjesta stanovanja),
4. da na parceli postoji mogućnost adekvatnog navodnjavanja plastenika,
5. da u trenutku prijave za učešće u ovom projektu nema više od 100 m² plastenika u svom posjedu ili posjedu člana uže porodice (plastenik sa metalnom konstrukcijom i bočnim ventiliranjem),
6. da će sufinansirati 20% od nabavne cijene plastenika sa dodatnom opremom (740,00 KM),
7. da će obavezno prisustvovati edukaciji iz oblasti plasteničke proizvodnje koju organizuju Muslim Aid Association i Grad Gračanica,
8. da u posljednjih šest godina nije ostvarivao-la pravo na donaciju, dodjelu ili sufinansiranje nabavke plastenika od Grada Gračanica, nadležnih ministarstava, humanitarnih i drugih organizacija,
9. da će dodijeljeni plastenik zadržati u vlasništvu najmanje 3 (tri) godine od potpisivanja Ugovora.

B) POSEBNI KRITERIJI ZA BODOVANJE:

- broj članova domaćinstva,
- broj nezaposlenih punoljetnih članova zajedničkog domaćinstva uključujući i podnositelja prijave,
- broj izdržavanih članova zajedničkog domaćinstva (djeca, nezaposleni članovi koji nisu na evidenciji osoba Biroa za zapošljavanje Gračanica),
- samohrani roditelji,
- invaliditet podnositelja prijave i člana užeg domaćinstva (RVI status se ne uzima u razmatranje)
- mlade osobe odrasle bez roditeljskog staranja,
- uslovi za plasteničku proizvodnju (položaj plastenika, mogućnost navodnjavanja, vjetrovitost, blizina stambenog objekta i sl.),
- socijalni aspekt (stanje na terenu, imovno stanje, opći dojam i sl.)

III KRITERIJI ZA DODJELU PLASTENIKA

1. Pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje komisija za dodjelu plastenika na licu mjesta):

- slabi uslovi (veliki nagib – preko 10°),..... 1 bod
- slabi uslovi, udaljenost od kuće više od 500 m ali ne više od 1000 m,..... 1 bod
- dobri uslovi (nagib od 5° do 10°)..... 2 boda
- dobri uslovi, udaljenost od kuće od 200 do 500 m..... 2 boda
- jako dobri uslovi, (blag nagib – do 5°), 3 boda
- jako dobri uslovi, udaljenost od kuće do 200 m, 3 boda

Kandidati kod kojih se na terenu utvrdi da parcele ne ispunjavaju gore navedene karakteristike ili ne postoji mogućnost navodnjavanja plastenika, podložne su jakim udarima vjetrova, veliki nagib, nadmorska visina, erozija tla ili je udaljenost parcele za postavku plastenika udaljenija od 1 km putne komunikacije od mjesta stanovanja i sl. neće se bodovati, odnosno njihove prijave se neće uzeti u razmatranje.

2. Pripadnost nekoj od sljedećih kategorija:

- podnositelj prijave je nezaposlena osoba 4 boda
- za svakog punoljetnog nezaposlenog člana uže porodice, koji se nalazi na evidenciji nezaposlenih osoba Biroa za zapošljavanje Gračanica 1 bod,
- za svakog izdržavanog člana porodice (nezaposlene osobe koji se ne nalaze na evidenciji nezaposlenih osoba na Birou za zapošljavanje Gračanica (domaćice, djeca, učenici i sl.) 1 bod,
- podnositelj zahtjeva mlada osoba životne dobi od 18 do 35 godina 4 boda,
- ako je podnositelj zahtjeva samohrani roditelj 3 boda,
- ako je podnositelj zahtjeva ili član uže porodice osoba sa invaliditetom 3 boda.

3. Prihodi domaćinstva:

- ako su primanja po članu domaćinstva do 50,00 KM 7 bodova,
- ako su primanja po članu domaćinstva od 50,01 KM do 100,00 KM..... 6 bodova
- ako su primanja po članu domaćinstva od 100,01 KM do 150,00 KM..... 5 bodova,
- ako su primanja po članu domaćinstva od 150,01 KM do 200,00 KM 4 boda,
- ako su primanja po članu domaćinstva od 200,01 KM do 250,00 KM 3 boda,
- ako su primanja po članu domaćinstva od 250,01 KM do 300,00 KM 2 boda,
- ako su primanja po članu domaćinstva od 300,01 KM do 350,00 KM 1 bod,
- ako su primanja po članu domaćinstva preko 350,01 KM 0 bodova.

4. Socijalni aspekt (stanje na terenu, imovno stanje, opći dojam i sl.) od 0-7 bodova, (utvrđuje komisija za dodjelu plastenika izlaskom na teren)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, nakon toga kandidati sa većim brojem članova uže porodice, a zatim kandidati sa većim brojem nezaposlenih članova uže porodice.

IV POTREBNA DOKUMENTACIJA

1. Obrazac za prijavu na javni poziv (preuzima se na info pultu u prijemnoj kancelariji Grada Gračanica ili na web stranici Grada Gračanica),
2. CIPS prijava podnosioca zahtjeva ili ovjerena kopija lične karte,
3. Ovjerena kućna lista,
4. Dokaz o nezaposlenosti kandidata izdat od Biroa za zapošljavanje ili potvrda da osoba nije porezni obveznik,
5. Dokaz o nezaposlenosti svih punoljetnih članova porodice izdat od Biroa za zapošljavanje,
6. Potvrde iz škole/fakulteta za djecu/izdržavane članove domaćinstva a za djecu predškolskog uzrasta priložiti rodni list,
7. Potvrda o visini primanja kandidata i zaposlenih članova domaćinstva sa kućne liste, za penzionere posljednji ček od penzije, a za korisnike stalne socijalne pomoći prilaže se rješenje Centra za socijalni rad Gračanica o visini socijalne pomoći,
8. Vlasništvo ili posjed nad parcelom koja se namjerava koristiti za instaliranje plastenika (original ili ovjerena kopija ZK izvotka ili Posjedovnog lista ili Ugovor o zakupu/korištenju parcele),
9. Ovjerena izjava da ne posjeduje više od 100 m² plastenika u svom posjedu ili u posjedu užeg člana domaćinstva,
10. Ovjerena izjava da će korisnik podsticaja dobiveni plastenik zadržati u vlasništvu najmanje 3 (tri) godine od potpisivanja Ugovora,
11. Ovjerena izjava da podnosilac zahtjeva u posljednjih 6(šest) godina nije ostvario pravo na donaciju, dodjelu ili sufinansiranje nabavke plastenika od općine/grada, ministarstva, humanitarnih i drugih organizacija,
12. Ovjerena izjava da će podnosilac zahtjeva sufinansirati 20% od nabavne cijene plastenika sa pratećom opremom (740,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana,
13. Dokaz da je samohrani roditelj (smrtni list ili rješenje o razvodu i starateljstvu),
14. Potvrda o upisu u Registar poljoprivrednih gazdinstava i Registar klijenata izdata od Službe za poduzetništvo, lokalni razvoj i finansije Grada Gračanica u 2024.godini ili ovjerena izjava da će se upisati u Registar poljoprivrednih gazdinstava (RPG) i Registar klijenata (RK) prije preuzimanja plastenika.

V PROCEDURA ODABIRA KORISNIKA

Administrativnu obradu zaprimljenih prijava i odabir korisnika u skladu sa Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2024. godini na području Grada Gračanica provest će Komisija koja se sastoji od tri člana, od kojih su dva predstavnici Grada Gračanica, a jedan je predstavnik Organizacije Muslim Aid Association.

Preliminarna rang lista odabranih korisnika i listu podnosioca čiji su zahtjevi ocijenjeni kao neblagovremeni, nepotpuni ili neosnovani, će biti objavljena na oglasnoj ploči i službenoj web stranici Grada Gračanica, na koju se može izjaviti žalba Gradonačelniku Grada Gračanica u roku od 8(osam) dana od dana objave.

Nakon proteka roka za žalbe i rješavanja po istima objavit će se konačna rang lista korisnika po ovom projektu na oglasnoj ploči i web stranici Grada Gračanica.

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.
- Realizacija projekta će biti obavljena po izboru krajnjih korisnika i po potpisivanju tripartitnog Sporazuma o sufinansiranju.

Obrasci zahtjeva za prijavu mogu se preuzeti na info pultu Grada Gračanica i zajedno sa dokumentacijom predati u zatvorenoj koverti na protokol Grada Gračanica sa naznakom „Za javni poziv za dodjelu plastenika“, a rok za podnošenje zahtjeva je 21 (dvadeset i jedan) dan od dana objavljivanja javnog poziva u sredstvima javnog informisanja Grada Gračanica (Radio Gračanica), web stranici Grada Gračanica, te na oglasnoj ploči Grada Gračanica.

Sve dodatne informacije mogu se dobiti u Službi za poduzetništvo, lokalni razvoj i finansije Grada Gračanica, ili na broj telefona 035/700-857 svakim radnim danom od 08:00-16:00 sati.

Javni poziv ostaje otvoren do 23.07.2024.godine.

Prijave sa pratećom dokumentacijom se dostavljaju do navedenog datuma lično na protokol Grada Gračanica ili putem pošte na adresu:

Grad Gračanica,
Služba za poduzetništvo, lokalni razvoj i finansije,
Mula Mustafe Bašeskije broj 1, 75320 Gračanica

sa naznakom:

„PRIJAVA NA JAVNI POZIV ZA PREDAJU ZAHTJEVA ZA DODJELU PLASTENIKA OD 100 m² SA DODATNOM OPREMOM PUTEM SUFINANSIRANJA U PROJEKTU“ - NE OTVARAJ

Nepotpune i neblagovremene prijave se neće uzeti u razmatranje.

DOSTAVITI:

1. Muslim Aid, Koševo 10 Sarajevo
2. Oglasna tabla Grada Gračanica
3. Web stranica Grada Gračanica
4. Gradonačelnik
5. Služba za poduzetništvo, lokalni razvoj i finansije
6. Radio Gračanica
7. a/a



GRADONAČELNIK

Nusret Helić